

Informacija vezana za olakšice za otplatu zaduženja za klijente pogođene krizom COVID-19

Poštovani klijenti,

u nastavku Vas informišemo o privremenim olakšicama za otplatu obaveza po leasing ugovorima koje će primjenjivati Mogo Leasing d.o.o. (u daljem tekstu Društvo), a u okviru Odluka koje je propisala Agencije za bankarstvo FBiH u vezi privremenih mjera za ublažavanje negativnih ekonomskih posljedica uzrokovanih virusnim oboljenjem „COVID-19“.

Olakšice u isplati kreditnih obaveza će se obezbijediti klijentima Društva koji su direktno ili indirektno pogođeni negativnim efektima krize uzrokovane koronavirusom. Takvim klijentima, kapacitet za otplatu obaveza je smanjen, te im je onemogućeno ili će biti onemogućeno izmirivanje obaveza prema Društvo.

Društvo će, na osnovu informacija kojima raspolaže i koje mu je klijent dostavio uz zahtjev za mjeru, odrediti modalitet za klijenta koji će mu olakšati izmirenje kreditnih obaveza i pomoći da nastavi urednu otplatu, a taj modalitet može biti jedna ili kombinacija predviđenih mjera.

Osnovne informacije za fizička lica

Zahtjev za odobrenje odgode plaćanja obaveza po leasing ugovorima mogu podnijeti svi klijenti koji su do sada uredno otplaćivali svoje obaveze, a čije je ostvarivanje prihoda ugroženo pandemijom koronavirusa:

- Gubitak posla, jer je poslodavac značajno pogođen nastupom pandemije COVID-19
- Značajno smanjeni prihodi ili ugrožena stabilnost prihoda usljed pandemije COVID-19
- Smanjeni prihodi domaćinstva - na primjer kroz gubitak posla ili smanjeni prihod supružnika, a ako je prilikom odobravanja kredita cjenjena kreditna sposobnost supružnika.
- U slučajevima kada su zbog pogoršanog zdravstvenog stanja uzrokovanog COVID-19 povećani troškovi liječenja

Posebne mjere koje se mogu odobravati klijentima

- Prilagođavanje kreditnih obaveza na način da će se klijentu odobriti kombinovana mjera (ostale mjere) na maksimalno 6 mjeseci, s tim da će se dospjelo dugovanje raspodijeliti na slijedeći način: dospjele kamate će se ravnomjerno raspodijeliti na period od maksimalno šest (6) anuiteta nakon isteka moratorija i to na način da se u fiksnom iznosu ista dodaje na iznos redovne leasing naknade. Dospjela glavnica će se pripisati nedospjeloj, te na tako formiranu osnovicu (glavnicu) uz identičnu nominalnu kamatnu stopu kao u inicijalnom ugovoru o leasingu, formiraće se novi otplatni plan, odnosno obračunati mjesečne lizing naknade na rok koliki je i preostali broj rata po prethodnom otplatnom planu, te produžiti trajanje osnovnog ugovora, odnosno uvećati broj mjesečnih leasing naknada, za period na koji je odobreno mirovanje plaćanja obaveza
- Prilagođavanje kreditnih obaveza na način da će se klijentu odobriti kombinovana mjera (ostale mjere) na maksimalno 6 mjeseci na način da se dospjela kamata raspoređuje kao obaveza u fiksnom iznosu na odobreni broj mjeseci, dok se dospjela glavnica pridodaje nedospjeloj glavnici. Na tako formiranu osnovicu (glavnicu) uz identičnu nominalnu kamatnu stopu kao u inicijalnom ugovoru o lizingu, formiraće se novi otplatni plan, odnosno obračunati mjesečne lizing naknade na rok koliki je i preostali broj rata po prethodnom otplatnom planu, te produžiti trajanje osnovnog ugovora, odnosno uvećati broj mjesečnih naknada za period za koji je odobreno produženje, odnosno plaćanje samo dospjelih kamata za vrijeme trajanja olakšice.
- Prilagođavanje kreditnih obaveza na način da se klijentu odobri reprogram kreditnih obaveza. Klijent je dužan prije pristupanja reprogramu izvršiti uplatu dospjele kamate, dok će se dospjela glavnica pripisati nedospjeloj i na tako formiranu osnovicu uz identičnu nominalnu kamatnu stopu kao u inicijalnom ugovoru o lizingu formirati novi otplatni plan na odobreni novi rok otplate duga po lizing ugovoru.

Ove mjere se ne odnose na fizička lica čija kreditna sposobnost nije pogoršana negativnim efektima krize izazvane pandemijom virusnog oboljenja COVID-19.

Zahtjev za odobrenje privremenih mjera za ublažavanje servisiranja obaveza prema Mogo Leasing d.o.o., uz prateću dokumentaciju koja dokazuje smanjen kapacitet za otplatu obaveza, možete podnijeti dostavljanjem Zahtjeva na email adresu info@mogo.ba.